

ԱՐՏԱԿ ՇԱՔԱՐՅԱՆ

ԴԵՎՇԻՐՄԵ ՀԱՄԱԿԱՐԳԻ ՍԿՁԲՆԱՎՈՐՄԱՆ ՀԱՐՑԵՐԻ ՇՈՒՐՋ

Դեվշիրմեն օրինականացված պարտադիր հարկ էր, որով պարբերականորեն 15-17-րդ դարերում Օսմանյան կայսրության քրիստոնյա հպատակներից տղաներ էին հավաքում, որոնք բռնի կերպով մահմեդականացվում էին և շարունակական ազդեցության պայտույքում ամբողջությամբ տարանջատվում էին իրենց ազգային միջավայրից՝ վերջնականորեն դառնալով մահմեդական և ծառայեցվելով օսմանյան իշխանության կարիքներին։)

Այս երևույթը ցայժմ հայ գիտնականների կողմից չի արժանացել մանրամասն ուսումնասիրության. առավել հայտնի է միայն ակադեմիկոս Մ. Զուլալյանի հոդվածը պատմա-բանասիրական հանդեսում¹, որը կարելի է համարել սույն հարցի ուսումնասիրության առաջին ու հիմնարար քայլը հայ ժամանակակից օսմանագիտության մեջ։ Հայ հեղինակների մոտ այս հարկատեսակը ավելի հաճախ հանդիպում է մանկահասակից, մանկաժողով եզրույթների ներքո²։ Որոշ արտասահմանյան գիտնականներ, դեվշիրմեն համակարգը նկարագրելիս ու նրա զարգացման մասին խոսելիս, հիշատակում են միայն բալկանյան ժողովուրդներին ու չեն նշում, որ դեվշիրմեն կիրառվել է նաև հայերի հանդեպ³։ Դա թերևս հետևանք է այն բանի, որ նրանց հայտնի չեն հայոց մեջ կատարված այդ հարկումների վերաբերյալ փաստերը, ինչը խոսում է այն մասին, որ հայ հիշատակարանները, որոնք միջնադարյան Արևելքի ուսումնասիրության հարուստ սկզբնաղբյուր են, պատշաճ կերպով ներկայացված չեն գիտական աշխարհի քննությանն ու ուսումնասիրությանը։

Ինչևէ, սույն հոդվածի շրջանակներում մեր առջև խնդիր չենք դրել անդրադառնալ հայոց մեջ դեվշիրմեի անցկացման հարցին։ Ստորև փորձ ենք անել միայն ներկայացնել դեվշիրմեն համակարգի սկզբնավորման պատմությունը։

(Ժամանակակից պատմագիտության մեջ փնտրում են տարբեր բացատրություններ դեվշիրմեն համակարգի առաջ գալը բացատրելու համար։ Որոշ պատմաբաններ կարծում են, որ այս հարկատեսակը ծագել է

օսմանյան հետևակր բազմամարդ դարձնելու անհրաժեշտությունից, որ զգալիորեն պակասել էր Բայազեդ I-ի որդիների երկապառակության պատճառով: Այդք դուս ի հայտ գալը պայմանավորում են օսմանահպատակ քրիստոնյա ժողովուրդներին մահմեդականացնելու օսմանյան պետության նկրտումներով⁴։

Օսմանյան դուռ պատմագիյուներ փորձել են դեվլիբմեհի սկզբնավորումը ներկայացնել որպես սուլթանի հանճարեղ հորինվածք⁵։ ինչպես օրինակ Սաադեդդինը՝ կամ «Եմիչերիական կորպուսի օրենքների ծագման պատմության» ձեռագրի անանուն հեղինակը⁶։ Իսկ գերմանացի հետազոտող Բ.Պապուլիան դեվլիբմեհի համակարգի սկզբնավորումը առաջ է բերում փեմջիք համակարգից ու վերագրում Օրիսն I-ի ժամանակներին⁷։ Այս մոտեցումը իրավացիորեն քննադատել է Ս.Վրոնիսը իր գրախոսականում⁸։

[Փեմջիք համակարգը Օսմանյան պետությունում գործում էր մանկահավաքից առաջ։ Հարկվում էին պատերազմի ժամանակ գերի վերցրած զորահրամանատարները և զինվորները. զանձվում էր ռազմագերու արժեքի 1/5-ը⁹։ Փեմջիքը կիրառվում էր մեկ գերի ընկած քրիստոնյա ազգաբնակչության նկատմամբ. գերյալ քրիստոնյաները պարտավոր էին թուրքերին հանձնել կամ իրենց յուրաքանչյուր հինգ հոգուց մեկին՝ թուրքական բանակի շարքերը լրացնելու նպատակով, կամ համապատասխան փրկագին¹⁰։ Այն սկիզբ է առնում Ղուրանից ու շարիաթի հարկային համակարգում մահմեդականներից զսնձվող ամենակարևոր հարկերից մեկն էր. «Եվ իմացեք, եթե դուք վերցրել եք ավար, ապա Ալլահինն է հինգերորդ մասը... Այն, ինչ նախատեսված է Ալլահի ու իր մարգարեի համար, ուղղվում է հասարակական կարիքների բավարարմանը, որոնք սուսմանել է մարգարեն իր կյանքի ընթացքում ու որոնք սահմանում է իմամը նրա մահվանից հետո¹¹»։ (Այսպիսով, սուլթաններն օգտագործում էին այդ իրավունքը ու պահանջում ավարի մեկ հինգերորդ մասը¹²։)

Համաձայն օսմանյան պատմագիր Աշրքփաշագադեհի՝ փեմջիքը Օսմանյան կայսրությունում գործածության մեջ է դրվել Մուրադ I-ի ժամանակ։ Նա հիշատակում է մի փաստ, երբ Մուրադի ակնառու զորահրամանատարներից Էվրենոզ բեյին հրաման էր տրվել ասպատակել «անհավատների» երկիրն ու կենդանի ավարի մեկ հինգերորդ մասը հանձնել Մուրադին։ Ինչպես հաղորդում է Աշրքփաշագադեհն, ռազմագերիներն այնքան շատ էին, որ Չանդարը Խալիլն առաջարկեց հանձնել վերջիններիս անատոլական թուրքերին, որպեսզի նրանց ուսուցանվի թուրքերեն լեզուն։ Գերիները մահմեդականացվում էին և աշխատեցվում, իսկ հետո ուղարկվում Մուրադի մոտ¹⁴։ Այսպես էլ կազմվում է, ըստ Աշրքփաշագադեհի, եմիչերիական զորաբանակը։

Փենջիքով սուլթանին հասած գերիները ոչ միայն համալրում էին ենի-
չերիական զորաբանակն, այլև դառնում էին սուլթանի անձնական
ստորուկները, նրա քիկնագործի անդամները և այլն:

Փենջիքը, սակայն, չէր բավարարում օսմանցիների մարդկային ռե-
սուրսների պահանջը¹⁵: Պատճառն անընդհատ ընդլայնվող զավթումնե-
րի քաղաքականությունն էր, որը ռազմական ուժի անընդհատ լսճ էր
պահանջում: Այդ քաղաքականության մեջ կարճ դադար տեղի ունեցավ
միայն 1402 թ. Անկարայի ճակատամարտից հետո¹⁶: Տասնամյա երկ-
պառակտչական պատերազմներից հետո Սեհմեդ 1-ի օրոք (1413-
1421թթ.) շարունակվեցին օսմանյան նվաճումները, սակայն արդեն ներ-
քին այլ պայմաններում: Վաղ ավատատիրական հարաբերությունները
վտվախություններ էին կրել օսմանյան հասարակությունում. հրաժեշտ
էր տրվել զարգացման թե՛ ցեղային, թե՛ սելջուկյան մոդելներից:

Նոր պայմաններում, չնայած օսմանյան անվիճելի հաջողություննե-
րին, հնարավոր չէր անսահմանափակ գերել զբաղյալ տարածքների ազ-
գաբնակչությանը: Նվաճումը սկսվում էր կիսաքոչվորների ասպատա-
կություններով, որոնց գլխավոր նպատակը կողոպուտն էր ու գերեվա-
րությունը, և վերջ ի վերջո վերափոխվում նոր տարածքների համար պա-
տերազմի: Օսմանյան ագրեսիան, որը տարվում էր «արդար կրոնի տա-
րածման» նշանաբանով, նոր հողեր գրավելու նպատակ էր հետապն-
դում, որոնք այնուհետև բաժանվում էին որպես պայմանական կամ
մշտական տիրույթներ՝ ձևավորելով ավատատիրական նոր դասակարգ:
Նոր նվաճված շրջանում ընտրյալները ստանում էին վիթխարի հողային
տիրույթներ՝ խասեր՝ կամ մյուլքեր, իսկ սիպահիները, որոնք հիմնական
ռազմական ուժն էին հանդիսանում, մասնակցում էին ռազմական զոր-
ծողություններին համաձայն այն պայմանների, որոնցով նրանց էին
տրամադրվել իրենց հողակտորները՝ թիմարները կամ զեւմենթները¹⁷:
Մա բերեց նրան, որ այլևս անհնարին դարձավ զանգվածաբար
ստրակցնել զբաղյալ տարածքի ժողովրդին այնպես, ինչպես դա անհ-
րաժեշտ էր օսմանյան բանակին իր զավթողագործությունը շարունակե-
լու համար: Դա կնշանակեր ավատատիրական տիրույթները գրկել աշ-
խատավոր ձեռքից, առանց որի դրանք այլևս գոյություն չէին ունենա:
Հողերի ամայացումը հակասում էր նաև կենտրոնական իշխանության
շահերին: Այդ ժամանակաշրջանում հիմնվում էր վարչական ապարա-
տը, ձևավորվում սուլթանի արքունիքը, որն արդեն մեծապես տարբեր-
վում էր հին ժամանակների բեյլիքի բարբարոսական ճամբարից: Այդ-
քան ծախսերի համար չէր կարող բավարար լինել գերիների վաճառքից
եկող ոչ մշտական, անկայուն եկամուտը: Ինչպես և բոլոր պետություն
կազմող հասարակություններում, այստեղ ևս պետք էր ապահովել կա-
յուն, մշտական եկամուտ հարկերի միջոցով, որոնք հավաքվելու էին
հպատակ ժողովուրդներից: Այսպես, հակառակ ռազմական հաջողույթ-

յունների ու տարածքային ընդարձակմանը՝ ռազմագերիների ներխուժը զգալիորեն պակասեց, ինչի հետևանքով աղքատացավ ռուհիկ ստացող օսմանյան հետևակի համալրումը:

Լերկորդ գործոճը, որը նույնպես ունի մանրամասն բացատրության կարիք, օսմանյան պետությունում կրոնա-էթնիկական իրավիճակն էր: Այն իր սահմաններում ներառում էր մահմեդականների և քրիստոնյաների, ընդ որում վերջինների համամասնությունն ու զանգվածը նորանոր նվաճումների հետևանքով անընդհատ աճում էր, ինչը միջին դարերի համար լուրջ խնդիր էր: Օսմանցիների մախտոդները, անկախ այն բանից, թե իրենց պետական կազմավորումը տեղի է ունեցել ըստ եվրոպական մոդելի, ինչպես օրինակ Բյուզանդիան և Բուլղարիան էր, կամ ասիականի՝ ինչպես Իրանը և Սելջուկյան սուլթանատը, համախմբում էին իրենց տարակազմ բնակչությունը համաձայն մեկ կրոնի սկզբունքի: Օսմանյան կայսրությունը չէր կարող կիրառել նույն սկզբունքը: Ի հայտ գալով Փոքր Ասիայում՝ այն զարգացրել էր բռնատիրության մի տարբերակ, որի պետական կրոնը մահմեդականությունն էր: Սակայն դեպի Բալկաններ տալիս՝ այն հերառեց մեկ քրիստոնյա ժողովուրդներ, որոնք քանակական առումով գերազանցում էին մահմեդականներին: Եվ նոր նվաճված տարածքներում իշխանությունը պահպանելու համար օսմանյան պետությունը ջանում էր արագ կերպով ավելացնել մահմեդական տարրը: Սակայն դեռ առաջին քայլերը ցույց տվեցին, որ մահմեդականացման դասական միջոցները, որոնք կիրառվում էին այն ժամանակվա մահմեդական հասարակություններում, այստեղ՝ Բալկաններում, այդքան էլ արդյունավետ չեն: Դրա պատճառը մահմեդականության դեմ ներքին դիմադրությունն էր, որը հավանաբար բխում է բալկանյան ժողովուրդների պետականաստեղծ երկար պատմությունից և գլուխադնդիկ հարաբերությունների զարգացված լինելուց¹⁸: Այնտեղ քրիստոնեությունը հմուտ ի վեր հաստատված էր որպես գաղափարախոսություն, որի հետ համապատասխան ստեղծվել էր կենցաղային, իրավական, բարոյական ու ավանդական նորմերի միջավայր: Մահմեդականությունը, որն ի հայտ է եկել քոչվորական կենցաղի արմատներ ունեցող տնտեսություններով հասարակություններում, չէր կարող դուրսբերել մեթոդավետ այստեղ: Փոքր Ասիայից եվրոպական տիրույթներ և կամ այդտեղից Փոքր Ասիա բնակչության տեղափոխումները արագորեն ցույց տվեցին իրենց անարդյունավետությունը¹⁹: Մահմեդական վերաբնակիչ խմբերը դժվար էին համակերպվում նոր պայմաններին, համաձայն որոնց պետք է ընդմիջտ անցնեին նստակյաց կյանքի: Վերաբնակիչների նշանակալի մի մաս, ինչպես օրինակ յուրյուքները, շարունակեցին իրենց քոչվորական կյանքը և 16-րդ դարից հետո²⁰: Իսկ բալկանյան ազգաբնակչության բռնագաղթը Փոքր Ասիա չէր կարող լինել անսահմանափակ, քանի որ բերքատու շրջանները կորկվեին աշխա-

տւանքային ձեռքից: Հիմնական մեթոդները, որոնց օգնությամբ օսման-
ցիները ջանում էին ենթակայության մեջ պլսեել իրենց թվապես գերակշ-
ռող գրավվյալ ժողովուրդներին, համաձայն թուրք պատմաբան
Մ.Թ.Գյոքբեկզիմի, ենիչերիական զորաբանակում զինվորական ծառա-
յությունն էր ու մահմեդականացումը²¹:

Բալկանյան երկրների արխատկրատիայի մի մասի մահմեդականա-
ցումը օգտակար կերպով անդրադարձավ օսմանյան ղեկավար մոդելի
կայացման վրա: Մահմեդականացվածները ներմուծեցին ղեկավարման
փորձ ու ավանդույթներ օսմանյան հասարակություն. փորձ, որը ձեռք էր
բերվել սլավոնա-բյուզանդական քաղաքակրթության երկարատև զար-
գացման արդյունքում²²: Սակայն նրանք շատ սակավաթիվ էին, որպես-
զի ազդեցություն թողնեին ընդհանուրի վրա: Բացի այդ օսմանցիները
վախենում էին թողնել նրանց իրենց ազգային միջավայրում, որտեղ
նրանք կարող էին գլխավորել հակաօսմանական դիմադրական ելույթ-
ներ նոր նվաճված տարածքներում: Սկանդեյրբեզն Ալբանիայում հաս-
տատեց այդ մտահոգությունները²³:

Օսմանյան իշխանությունը գործի էր դրել մահմեդականացման իր
բարդ մեխանիզմը Բալկաններում, սակայն հակառակ դրա գոյությամբ
քրիստոնյաների ու մահմեդականների միջև հարաբերակցությունը անհ-
մար էր կարճ ժամկետում փոխել հօգուտ վերջինների: Բացի այդ 15-րդ -
դարի առաջին կեսին օսմանյան պետությունում տղամարդկանց վիթ-
խարի պահանջարկ կար: Օսմանցիները սկսեցին իրենց հեծյալ աշխար-
հագորում օգտագործել քրիստոնյա սիպահիներին, ինչը լիովին հակա-
սում է շարիաթին: Ղեկավար ապարատ, ինչպես և արքունիք, ոչ մահմե-
դականներ նշանակելը նույնպես շարիաթի ոտնահարություն էր²⁴: Սա-
կայն բանը դրանում չէ. օսմանյան տիրակալները, ինչպես և այդ ժամա-
նակների ամեն տիրակալ, բազմիցս հեշտությամբ խախտել են կրոնա-
կան նորմերը, եթե դա բխում էր իրենց իշխանության շահերից: Սակայն
կար խնդիր, քանի որ քրիստոնյաների քանակական գերակշռության
դեպքում նրանց ուղղակի ու զանգվածային ներմուծումը վարչական ա-
պարատ ու արքունիք կարող էր հարցականի տակ դնել պետության
մահմեդական բնույթը և արգելակել նրա էքսպանսիոնիստական քաղա-
քականությունը:

(Այս իրավիճակում, ելնելով պետական ու ռազմական ապարատում
մարդկային ռեսուրսների խիստ կարիքից, օսմանյան իշխանությունը
ճիշտ ժամանակին, արագ ու նպատակային կերպով քրիստոնյաների մի
մասի մահմեդականացնելու ձև գտավ: Այն սկսեց բոլորությամբ հավաքել
քրիստոնյա բնակչության երեխաներին, որպեսզի մահմեդականացնի և
դարձնի իր զինվորները: Սկզբնապես քրիստոնյա երիտասարդության
հազվադեպ և փոքրաքանակ հավաքները դարձան հաճախակի և զանգ-
վածային ու ի վերջո օրինականացվեցին որպես պարտադիր հարկ:)

Եւ ամեն անգամ, ամեն նվաճման հետ մեկտեղ կրկնվում էր փենջի-քից դեվլիքն անցման գործընթացը: Այսինքն, սկզբում նվաճված տա-լաձքի բնակիչները համարվում էին ռազմագերի, և նրանցից հավաքում էին փենջիք: Ապա այդ տալաձքների ամրագրումից հետո, բնակիչները դառնում էին Օսմանյան կայսրության հպատակներ, ու նրանց համդեպ արդեն կիրառվում էր դեվլիքն համակարգը:

Որպես այս մեխանիզմի կիրառման օրինակ կարելի է մատնանշել նաև Հայաստանի դեպքը: Այսպես, Անանուն Սեբաստացու ժամանա-կագրության մեջ կալոյում ենք, թե. «...Ի թիւն ՋԿԸ (1519թ.) բարկութիւնն աստուծոյ սաստկացաւ և սուլդան Սէլիմն տղայ ժողւեց ի քրիստո-նէից²⁶»: Սելիմ սուլթանին որպես մանկահավաք սահմանող հիշատա-կում է նաև 17 դարի հեղինակ Վարդան Բաղիշեցին («...ե նստաւ ինքն թագաւոր սուլթան Սէլիմ ամս տասներեք, որ սահմանեաց գտայաքն ժո-լոյվել²⁶»):

Եթե ընդունենք, որ «մանկահավաք», «մանկաժողով» եզրերը օգտա-գործում ենք ոչ թե որպես զուտ տղաների հավաքելու երևույթը նկատա-լից, այլ որպես «դեվլիքն», «արյան հարկ», որը հպատակ քրիստոնյա ազգաբնակչությունից պարբերաբար հարկման ինստիտուտ է, ապա մենք որպես դեվլիքնի սկիզբ ընդունում ենք 1531 թվականը համաձայն Անանուն Սեբաստացու 16 դարի ժամանակագրության, թե «...Ի թվին ՋԶ (1531) սղայ ժողւեցին ի քրիստոնէից...²⁷», կամ էլ 1531 թվականի մի ձեռագրի հիշատակարանի («Թվին ՋԾ (=1531) Սուլթան Սուլեյմանն..., եմիչալուս համար տղայ ժողվեց ի հայոց ազգես...²⁸»):

Այսպես, օսմանցիները Հայաստանի տարածք մուտք են գործել 1514թ. Չալդերանի ճակատամարտից հետո ու դեռ երկար տարիներ Հա-յաստանը եղել է պատերազմական դաշտ Իրանի ու Օսմանյան Կայս-րության միջև: Ի նկատի ունենալով այն, որ դեվլիքն համարվում է կայսրի հպատակ քրիստոնյաներից հավաքվող հարկ²⁹, մենք 1519 թվա-կանով թվագրվող մանկահավաքի առաջին նախադեպը չենք կարող համարել դեվլիքն: Սա փենջիք համակարգի կիրառություն է, քանի որ 1519 թվականին Արևմտյան Հայաստանը օսմանցիների համար ռազմա-դաշտ էր և հետևաբար հայերը գերված ժողովուրդ էին, որոնց մեկ հինգե-րորդը պատկանում էր սուլթանին:

Իսկ որ փենջիքը կիրառվով՝ օսմանցիներն այնուամենայնիվ գոր-ծում էին ընտրողաբար ու հավաքում էին միայն տղաներ, արդեն խոսում է դեվլիքնի նրանց հարուստ փորձի մասին, որը նրանց ձեռք էին բերել Բուլկանյան թերակղզում: Այդպիսի բան լայնորեն կիրառվել է փենջիքից դեվլիքն ինստիտուտի անցման փուլում և նախորդ ժամանակներում և վկայված է Լ.Հալքոթունդլի կողմից, համաձայն որի Նովո Բողոյի գրավ-ման ժամանակ 1467թ. օսմանցիները եմիչերի վերցրեցին 320 երեխա, իսկ Պեոպոնեսից՝ 200³⁰:

Այն, որ դեվչիլումեն սկզբնական փուլում օգտագործվում էր փենջիքի պակասը լրացնելու համար երևում է նաև Յակով Պրոմոնտորիո դե Կամպիսի օսմանյան պետության մասին գրվածքից, որը հրապարակվել է 1475թ. և նկարագրում էր 2-3 տասնամյակ ամառ եղած իրադրությունը: Նա գրում է, որ ենիչերիական զորքը հավաքագրվում էր տարբեր տալաթքներից գերված երեխաներից, իսկ երբ գերի չկար, սուլթանը համալրում էր ենիչերիական զորամասերը իր սեփական քրիստոնյա հայատակների երեխաներով¹: Դե Կամպիսի այս տեղեկություն, որը վերաբերվում է Մուրադ II-ի կառավարման (երբ հավանաբար օրենքի ուժ էր ստացել դեվչիլումեն) և Մեհմեդ II-ի կառավարման սկզբի տարիներին, ցույց է տալիս, որ հիմնական նորակոչիկները փենջիքից էին, սակայն դեվչիլումեն բացառված չէր: Սրա օգտին է խոսում նաև այլ բնույթի մեկ սկզբնաղբյուր՝ թիմարուսկան տիրույթների 1455թ. ընդարձակ նկարագրությունը (աշխարհագիրը): Թիմարատերերի հետ մեկտեղ գրացված են և մի քանի ենիչերի, որոնց գրանցել են անվամբ և ծնված քաղաքով: Այնտեղ հանդիպում ենք ենիչերիներ Ալի Ֆիլիբեի (այսինքն՝ Պովդիվցի), Յուսուֆ Ստանիմաքլու (այսօրվա Ասեմովզյուտ), Մուստաֆա Նեգուրիչանեցի, Յուսուֆ Ռադումիրցի, Թիմուրթաշ Ստրումլցացի, ինչպես նաև Բարաջու Մաջար, Դոլան Մաջար և այլն²:

Այն ժամանակ, երբ Մաջար անունը, որն անկասկած էթնիկական հատկանիշ է մատնանշում (մաջար-հունգարացի), ցույց է տալիս որ Միջին Եվրոպայում օսմանյան ազդեցության ընթացքում ենիչերի են հավաքել փենջիքի միջոցով, օսմանյան տիրույթների կենտրոնական քաղաքներից ծագումը հուշող անունները վկայում են դեվչիլումենի ենիչերիական զորաբանակ մտցված երիտասարդության մասին:

Երկպառակտյական պատերազմները, որոնք տեղի ունեցան 15-րդ - դարի առաջին տասնամյակում, էական նշանակություն ունեցան դեվչիլումենի զարգացման համար: Օսմանյան ժամանակագիրները տեղեկացնում են, որ Մուսային զորքում ներառվել էին 7 000 ենիչերի՝ թվաբանակ ինքնին չափազանց մեծ, որ դա հավաքագրված լինել փենջիքի միջոցով³: Շատ հավանական է, որ հենց այդ ժամանակ է սկիզբ ստել ոչ մահմեդական երիտասարդության բռնի զանգվածային հավաքագրումը: Չնայած այս դեպքում էլ այս բնակչությունը նույնպես հավաքագրվում էր թերևս որպես ոչ թե հպատակներ, այլ ռազմագերիներ, քանի որ իրենց հողերը դարձել էին պատերազմական գործողությունների թատերաբեմ և պատերազմող կողմերի զինվորները իրենց վերաբերվում էին որպես նոր նվաճված տարածքների բնակիչների:

Այս ամենը ցույց է տալիս, որ դեվչիլումեն համակարգը ամենևին էլ օսմանյան սուլթանների միանվագ հուլինվածքը չէ:

Դեվչիլումենի երևան գալն ու գործադրության մեջ դրվելը պայմանավորված էին պատճառների բարդ համակարգով, որը ծագում էր օսման-

յան պետության հասարակական, կրոնական ու ազգային պայմանների յուրահատկությունները: Այն հակասում էր շարիաթին³⁴, բայց հաջող կերպով լուծում էր ազրեսիայի լրճազգրում բանակում ու դեկավար ապարատում մարդկային ռեսուրսների տեսակետից անհետաձգելի խնդիրները: Դարիսքն այս անգամ էլ անտեսվեց օսմանյան պետության ուղղակի շահերը բավարարելու համար: Որպես փենջիք համակարգի շարունակություն դեվշիրմեն ըստ էության մահմեդական աշխարհում ստրկական ինստիտուտի³⁵ մեմբրինակ շարունակություն էր. կենտրոնական իշխանության կարիքներն ապահովելու համար ստրուկների հավաքման ձև, որը տեղի էր ունեցել յուրահատուկ պատմական պարագաներում՝ սկիզբ առնելով Եվրոպայի հարավ-արևելքում 14 դարի վերջին և 15 դարի սկզբին օսմանյան իշխանության հաստատման արդյունքում և ապա տարածվելով քրիստոնյա բոլոր հպատակների վրա:

ARTAK SHAKARYAN

ABOUT THE ISSUES OF THE INCEPTION OF THE DEVSHIRME SYSTEM

The article represents some basic questions regarding the inception of devshirme levy system, periodical boy-tribute, taken from Christians in the Ottoman Empire in 15th - 16th centuries. Based on facts collected from Armenian medieval manuscripts, Ottoman documents, published in Bulgaria, as well as narrative sources, author analyses some main factors, which influence was crucial for the inception of devshirme. Author concludes that the devshirme system was instituted in the newly occupied territories only after having practiced the pencik system, one-fifth tax, for a while, and that devshirme was not a brand new "invention" of some Ottoman sultans, rather, it was a further development of the pencik system.

ՃԱՆՈԹԱԳՐՈՒԹՅՈՒՆՆԵՐ

1. Ջուլալյան, Մ., «Դեվշիրմեն» (մանկահավաքը) օսմանյան կայսրության մեջ ըստ թուրքական և հայկական աղբյուրների, ՊԲՀ, 1959, #2-3, էջ 247-256:
2. Տես՝ Չամչյանց Ա., Հայոց պատմություն (սկիզբ մինչև 1784 թվականը), Գ. հատոր, Երևան, 1984: Օրմանյան Մ, Ազգապատում, հատոր Բ: Լեռ, Երկրերի ժողովածու, Երրորդ հատոր, Գիրք առաջին, Երևան, 1969: Մ.Ջուլալյան, նշվ. աշխ.:
3. Օրինակ. Gibb H.A.R. & Bowen Harold, Islamic Society and the West, Volume I, Part 1, London, New York, Toronto, 1951, որը համարվում է հիմնարար աշխատություն միջնադարյան Օսմանյան կայսրության պատմության ուսումնասիրման տեսակետից:
4. Георгиева Ц., Еничарите в българските земи, София, 1988, стр 68.

5. Նրանք, ենիչերական զորաբանակի ստեղծման պարագաները նկարագրելիս, տեղեկացնում են, թե յայա զորքը աչքի էր ընկնում իր վերին աստիճանի անկարգապահությամբ, ինչը ստիպեց Սուրադ 1-ին կազմավորել մոր քանակ (ենի չերի): Համաձայն հեղինակների բոլոր քաղիներին հրամաններ են ուղարկվում ոչ մահմեդականների միջև պատանիների հավաքի վերաբերյալ: Այսպիսով հավաքվում է հազար հոգի, որոնք էլ կազմում են մոր զորքի կորիզը:
6. Петросян И.Е., К истории создания янычарского корпуса, Тюркологический сборник 1978, М., 1984, стр. 194.
7. Stb. Мебде-и канун-и йеничери оджагы тарихи (История происхождения законов янычарского корпуса), Издание текста, перевод с турецкого, введение, комментарий и указатели Петросян И.Е., Москва, 1987.
8. Papoulia B., Ursprung und Wesen der "Knabenlese" im osmanischen Reich, Munich, 1963, p.71.
9. Ավելի մանրամասն տես. Vryonis S., Review of Upsprung and Wesen by B.Papoulia, Balkan Studies, 5 (1964), p. 145-153.
10. Шамсутдинов А., Проблема становления османского государства по турецким источникам вв., Османская империя: система государственного управления, социальные и этнорелигиозные проблемы, (сборник статей), под ред. Орешковой С., Москва, 1986, стр. 35.
11. Ջուլայան Մ., նշվ. աշխ., էջ 248.
12. Толкование священного корана на арабском и русском языках, Каир, 2000г., Аль Анфаль, 41-42.
13. Vryonis S., Seljuk Gulams and Ottoman Devshirmes, Der Islam, Band 41, 1964, p.227-228.
14. Петросян И., там же, стр. 193.
15. Ercan Y., Devşirme sorunu, Belletten, Aral• k, 1986, s.712.
16. 1402թ. օսմանյան սուլթան Բայազիդ I-ը ծանր պարտություն կրեց Լենկ Թեմուրի զորքերից (Uzunçarşılı İ.H., Osmanlı Tarih, Ankara, 1947, c.1, 166):
 - թիմար – մինչև 20 000 արշև եկամուտ բերող ավատ;
 - գեամեր – 20 000-ից մինչև 100 000 արշև եկամուտ բերող ավատ;
 - խաս – 100 000-ից ավել եկամուտ բերող ավատ;
 - մյուլք – ավատ, որի տերն այն կարող է վաճառել, թողնել որպես ժառանգություն կամ նվիրել մեկ այլի:
 - սիպահի – օսմանյան զինվորական համակարգում հեծյալ զինվոր, որը ստացած թիմարի դիմաց պարտավոր էր մասնակցել պատերազմների (աղբյուրը՝ Pakalin M.Z., Osmanlı Tarih Deyimleri ve Terimleri Sözlüğü, Millî Eğitim Basımevi, İstanbul, 1971, c.1,2,3):
17. Мутафчиева, В., Аграрные отношения в Османската империя през 15-16в., София, 1962., стр. 33-35.
18. Георгиева, Ц., там же, стр. 69-70.
19. Այս մասին ավելի մանրամասն տես. Тодоров Н., Балканский город 15-19 веков: социально-экономическое и демографическое развитие, Москва, 1976.
20. Երեմեն Դ., Թուրքերի ծագումը, Երևան, 1975, էջ 181-186:

21. Радушев Е., Место вооруженных сил в структуре османской феодальной системы на Балканах, Османская империя: государственная власть и социально-политическая структура, под ред. Орешковой С, (сборник статей), Москва, 1990, стр. 112.
22. Георгиева, Ц., там же, стр. 70.
23. Սկանդերբեգ (Գիորգի Կաստրիոտի, Սկինդեր Իվանովիչ)՝ մոտ 1405-1468, արանացի իշխան, թուրք վաժրողների դեմ արանացի ժողովրդի պայքարի հայտնի ղեկավար: Նա սլատանի հասակից սուրան Սուրադ 1-ի ժամանակ ենիչերի էի վերցվել:
24. Георгиева, Ц., там же, стр. 70.
25. Հակոբյան Վ., Մանր ժամանակագրություններ, հատ. Ա, Երևան, 1951, էջ 169:
26. Աղանյանց Գ., Գիվան հայոց պատմության, գիրք Ժ, էջ 71:
27. Հակոբյան Վ., նշվ. աշխ., էջ 169:
28. Ջոպպան, Մ., նշվ. աշխ., էջ 251:
29. Pakalin M.Z., *ibid.*, c.I. s.444-448.
30. Георгиева Ц., там же, стр. 74.
31. По следите на насието, Документи и материали за налагане на исляма, Съставител Петър Петров, Част първа, София, 1987, стр. 216-217.
32. Георгиева Ц., там же, стр. 73.
33. Георгиева, Ц., там же, стр. 71.
34. Wittek P., *Devshirme and sharia*, BSOAS, 1955. XVII/2, p.271-278; Inalcik H., *Studies in Ottoman Social and Economic History*, VII, *Servile labor in the Ottoman Empire*, London, 1985, p. 25-52.
35. Ավելի վաղ ժամանակներում մահմեդական աշխարհում ստրկական ուժի օգտագործման մասին տես, Ն. Հովհաննիսյան, Արաբական երկրների պատմություն, Երևան, 2003; Vryonis S., *Seljuk Gulams and ...*, p.224-252.